




Tokante Edumashon



Lista di kontenido

Mishon i Vishon di Fundashon Edumashon	2
Ken ta David Gomez?	3
Historia di Edumashon	4
2016	4
2020	5
2021 – 2022	5
Edumashon	6
Eduvista	7
Kompetensia Eskolar	8
Aplikashon di telefòn	8


Mishon i Vishon di Fundashon Edumashon

Fundashon Edumashon (Edukashon i Animashon) su mishon ta pa krea un plataforma edukativo ku lo benefisiá i inová edukashon di henter pueblo di Kòrsou, kuminsando na esun di mas chikitu i kaba te na esun di mas grandi. Edumashon ta kere den edukashon atraktivo, liber i di kalidat. Pa edukashon ta efektivo bo mester por dibertí mientras bo ta siña i komprendé e materia.



Ken ta David Gomez?

David P. Gomez a nase 18 di aprel 1998 na Kòrsou. Aktualmente e ta laborando komo dosente di Informátika na Gouverneur Lauffer VSBO. Banda di esaki e ta terminando su estudio Bachelor in Mathematics na ICUC. For di 2019 konsekutibo e ta tumando parti den e tim ku ta organisá Global Entrepreneurship Week Curaçao. Aktualmente e ta lider di hóbennan adulto Kristian na Iglesia Ora di Poder. Mayoria di David su tempu liber e ta pasa desaroyando abilidadnan manera animashon, programá i analisá data. Algun di su hòbinan ta futbòl i saka potrèt di naturalesa. David ta un persona ku ta gusta yuda i semper ta bin ku ideanan nobo kon pa solushoná un problema. Kuminsando for di aña 2016 e tabata yuda diferente alumno ku e materia di matemátika. Komo ku esaki ta un pashon di David i e tin mas ku 6 aña di eksperensia den edukashon, el a pone pa su mes ku e ta yuda mas tantu persona posibel pa eduká nan mes. Pero lo e ke hasi esaki di un manera efektivu ku lo hasi impakto i mehorá henter Kòrsou. E pashon i deseo aki ta e inisio di Edumashon ku a keda ofisialmente fundá **14 òktober 2021**.



Historia di Edumashon

2016

Na momentu ku David Gomez e fundadó di “Edumashon” a terminá su HAVO, el a kuminsá yuda studiantenan mesora i na un instituto komo dosente di ekonomia i matemátika.

Na e momentu aki e a realisá ku e strategia mas efektivu pa yuda e alumnonan ta na momentu ku e tradusi sierto palabranan na Papiamentu òf duna nan e splikashon na Papiamentu. Pa e alumnonan esaki tabata duna nan un resultado mesora den nan estudio.

Komo un hóben i pèrsona inovativo ku gusta yuda, David Gomez a puntra su mes: “Kon mi por yuda mas hóben?”. E pregunta aki a trese hopi retonan pa mi. Pasobra e solushon aki mester ta inovativo, atraktivo i efektivu na e mesun momentu. Aki a bin e idea pa kuminsá ku un programa ku ta hasi uso di animashon, usando nos mes idioma Papiamentu, pa duna splikashon di matemátika.

2018

A krea un propaganda di e idea kaminda a duna un ilustrashon kon e videonan tabata planiá pa ser lansá den e temporada ei. E propaganda aki a risibi bon akohida i hopi reakshon positivo di pueblo di Kòrsou. I tambe di yunan di Kòrsou ku ta biba den eksterior.

E idea di e propoganda aki tabata pa aserká spònsernan. Lástimamente den e temporada aki no a risibí ningun fondo pa por a karga e idea i mirando e grandura di invershon ku mester den ekipo i tempu pa e idea por a realisá, mester a wanta ku e idea.

2020

Durante aña 2020 David Gomez a traha komo dosente ofisial na un VSBO. E temporada aki siguramente tabata un di e temporadanan mas difísil pa enseñansa rònt mundu pa motibu di COVID-19.

Diferente punto mas a kapta David su atenshon kaminda e sistema di edukashon aktual mester di hopi yudansa.

Esaki tabata un konfirmashon ku un plataforma edukativo kaminda ta duna splikashon di tur materia, no ta solamente algu inovativo pa Kòrsou, pero e ta un nesesidat!

Na e momentu aki ku e idea a kaba di haña forma, David Gomez a pone pa su mes, ku no ta importá kiko pasa, e idea aki tin ku keda realisá.

2021 – 2022


Den e temporada ei e idea a haña e nòmber ofisial di “EDUMASHON” i tambe a lanta esaki na Notaris. A kuminsá aserká diferente dosente pa wak kon nan lo ke yuda e fundashon aki. Sin pensa dos bia hopi a bai di akuerdo pa yuda krea kontenido pa e plataforma di Edumashon. I mirando ku e volúmen di episodio lo ta muchu mas kompara ku lokual nos a antisipá, esaki a trese kuné ku mester wak un sistema mas efektivo pa krea e episodionan.

Tambe durante e temporada aki Edumashon a krea un plan di 5 aña kaminda e ta mira su mes i tambe kiko e ke logra. Den poko palabra Edumashon ta mira su mes komo e plataforma edukativo di Kòrsou, ku no ta enfoká solamente pa yuda studiantenan, pero tambe mayornan, profeshonalnan i asta dosentenan.

Edumashon ta un plataforma edukativo ku tin diferente kursonan.

Den e promé fase di Edumashon, lo e enfoká riba kursonan pa studiantenan di skol. Kubriendo varios materia manera:

- Atministrashon
- Biologia
- Físika
- Hulandes
- ICT
- Ingles
- Kímika
- Kuido
- Matemátika
- Microsoft Excel
- Microsoft Powerpoint
- Microsoft Word
- Papiamentu
- Spañó
- Téknika



Tur esaki nan lo ta kompletamente grátis i lo ta aksesibel riba Edumashon su wèpsait ku ofisial lo keda lansá **14 di sèptèmber 2022**.

Despues di a hasi vários investigashon riba e area di media i edukashon, Edumashon ta mantené tur su episodionan riba e siguiente puntonan.

- Maksimo 5 min.
- Bilengual
- Hasi uso di animashon
- Aksesibel 24/7.

E tim di edumashon no ta pèmití su mes pa wanta na solamente kursonan edukativo.

Edumashon ke hasi impakto i inová e edukashon na Kòrsou di un manera nunca promé.

Esaki ta fòrsa nos pa ta kreativo i kítiko riba kada desishon ku nos tuma.

Durante 5 aña Edumashon mester ta un plataforma kaminda 80% of mas studiantenan ta hasi uso di su kursonan òf a partisipá den un òf mas aktividat di Edumashon.

Ku nos bista fihá riba un mihó futuro, banda di un plataforma ku ta ofresé vários kursonan, nos tin algun plannan grandi ku ta bai keda realisá entre 2022 - 2027.

Eduvista

Esaki lo ta un programa kaminda Edumashon lo entrevista profeshonalnan, negoshantenan, artistanan, Minister i mas. E intenshon di e programa aki ta pa laga e studiantenan realisá e importansia pa studia algun materia i tambe kon nan lo por apliká esaki den nan bida personal òf futuro trabou.

E inspirashon pa e programa a bin, pasó mayoria di estudiante ta bisa: Nunka nan lo no apliká sierto konosementu den bida personal òf den futuro.

E programa aki sigur lo afektá sierto alumno su akтитut pa ku sierto materianan i tambe lo e yuda pa tuma un desishon mas konsiente na momentu ku nan mester skohe un estudio.

Kompetensia Eskolar

E kompetensia eskolar lo duna tur skol pa pone tur nan teorlanan den práktika i kompetí kontra di otro skol. E intenshon di kompetensia aki ta pa fòrsa e skolnan pa ta mas inovativo i kreativo ku nan alumnonan. E kompetensia aki ta un forma pa mustra pueblo di Kòrsou e kalidat di un skol.

Aplikashon di telefòn

Na momentu ku e plataforma sigui krese i tambe tin suficiente kursonan ku a keda lansá, Edumashon lo publiká su propio aplikashon di telefòn. E aplikashon lo hasi posibel ku e estudiante por baha e kursonan ku e ke riba su telefòn i wak esaki maske e no tin konekshon di internèt. Djis imaginá bo kuantu benefisio esaki lo tin.

Esaki lo hasi posibel ku e video ta mas aksesibel pa tur persona ku ke hasi uso di Edumashon su kontenidonan.

Tur esaki ta djis un komienso di un futuro briante. Segun tempu ta pasa Edumashon lo sigui adaptá su mes ku inovashonnan internashonal. Tur esaki pa sigurá ku Kòrsou lo tin profeshonalnan kapas pa sigui guia nos dushi país.

